

Broj: 583-3 /21
Sarajevo, 23.06.2021.godine

**JAVNI POZIV ZA
SUBVENCIONIRANJE TURISTIČKIH E-KODOVA
“ODMORI U SARAJEVU**

I PREDMET

Javni poziv provodi se na temelju kriterija i uslova utvrđenih Programom subvencioniranja turističko-ugostiteljskih usluga smještaj putem e-koda “**Odmori u Sarajevu**”, a koji je usvojen Odlukom Vlade Kantona Sarajevo broj: 02-04-24271-29/21 od 10.06.2021. godine.

II SREDSTVA

Iznos sredstava za realizaciju Javnog poziva iznosi 400.000,00 KM.
Sredstva će obezbijediti Vlada Kantona Sarajevo putem Ministarstva finansija Kantona Sarajevo.

III PRAVO UČEŠĆA

Pravo učešća na Javni poziv imaju poslovni subjekti koji pružaju ugostiteljske usluge u turističko-ugostiteljskim objektima za smještaj.

Ugostiteljsko-turistički poslovni subjekti moraju ispuniti sljedeće uslove:

1. Da je razvrstan pod šifrom djelatnosti: KD BIH - 55.10. Hoteli i sličan smještaj
2. Da ima izmirene obaveze po osnovu javnih prihoda zaključno sa 31.03.2021. godine
3. Da ima izmirene obaveze plaćanja boravišne takse za 2020. godinu
4. Da ima izmirene obaveze plaćanja članarine Turističkoj zajednici Kantona Sarajevo za 2020. godinu
5. Da uz prijavu na Javni poziv dostavi uredno popunjen „Obrazac za prijavu na Javni poziv“

Javni poziv će biti objavljen na web stranici Turističke zajednice Kantona Sarajevo www.visitsarajevo.ba i web stranici Vlade Kantona Sarajevo www.vlada.ks.gov.ba.

IV POTREBNA DOKUMENTACIJA

Uz uredno popunjen „Obrazac za prijavu na Javni poziv“, podnosilac prijave je obavezan dostaviti sljedeću dokumentaciju u originalu ili ovjerenjima (ne starijoj od 3 mjeseca računajući od dana objave Javnog poziva):

1. Obavijest o razvrstavanju poslovnog subjekta po djelatnosti prema klasifikaciji – izdat od strane Federalnog zavoda za statistiku
2. Dokaz o uplaćenju boravišne takse za 2020. godinu (izvod ili analitička kartica)
3. Obrazac KOČ za 2019. i 2020. godinu i dokaz o uplaćenju članarine za 2020. godinu (izvod ili analitička kartica)
4. Uvjerenje od nadležne Porezne uprave FBiH o izmirenim obavezama po osnovu poreza i doprinosa zaključno sa 31.03.2021. godine
5. Uvjerenje od UIO o izmirenim obavezama po osnovu PDV-a zaključno sa 31.03.2021. godine (ukoliko se ne može dobiti uvjerenje u zadanom roku, poslovni subjekat može dostaviti izjavu o izmirivanju obaveza ovjerenu od strane nadležnog organa uz dokaz da je blagovremeno podnijet zahtjev za izdavanje uvjerenje od UIO. Poslovni subjekat je dužan da do kraja žalbenog roka dana dostavi originalno uvjerenje o izmirenju obaveza po osnovu PDV-a.)
6. Uvjerenje o poreznoj registraciji poslovnog subjekta (ID broj) izdat od strane Porezne uprave KS

7. Elektronski popunjen „Obrazac na prijavu za javni poziv“ sa prikazanom cijenom usluge smještaja koja uključuje noćenje sa doručkom, ovjeren i potpisan od strane odgovornog lica, a kojim se potvrđuje nepromjenjivost cijena za vrijeme trajanja Programa.

Prijava na Javni poziv „Odmori u Sarajevu“ se podnosi na obrascu koji će biti dostupan na web stranici Turističke zajednice Kantona Sarajevo (www.visitsarajevo.ba) i Vlade Kantona Sarajevo (www.vlada.ks.gov.ba) i sastavni je dio Javnog poziva.

V PROVEDBA JAVNOG POZIVA

Turistička zajednica Kantona Sarajevo će po okončanju Javnog poziva formirati tročlanu prvostepenu komisiju koja će razmotriti pristigle prijave i sačiniti zapisnik sa Listom odabranih smještajnih objekata (u daljem tekstu: Lista).

Lista će biti javno objavljena na web stranici www.visitsarajevo.ba, a na koju poslovni subjekti imaju pravo prigovora u roku od 3 (tri) dana od dana objave.

O prigovorima će odlučivati tročlana drugostepena komisija formirana od strane Turističke zajednice Kantona Sarajevo, te će o svom radu sačiniti zapisnik koji će biti javno objavljena na web stranici www.visitsarajevo.ba.

VI KORISNIK I REALIZACIJA E-KODOVA

VI.1. Korisnik e-koda je državljanin Republike Srbije koji ispunjava sljedeće uslove:

1. Da se nalazi na listi dostavljenoj Vladi Kantona Sarajevo od strane Vlade Republike Srbije
2. Da je državljanin Republike Srbije sa prijavljenim mjestom prebivališta na području Republike Srbije
3. Da je rezervisao smještaj kod pružaoca usluga smještaja sa Liste odabranih smještajnih objekata koji ispunjavaju uslove Javnog poziva, putem web stranice www.visitsarajevo.ba

E-kod je namijenjen za **minimalno 2 noćenja zaredom za 2 osobe u jednoj smještajnoj jedinici**, uključujući doručak, u smještajnom objektu sa Liste odabranih objekata na području Kantona Sarajevo i ne može se koristiti za subvencije boravišne takse, ostalih troškova ishrane i pića ili drugih fakultativnih usluga.

Vrijednost jednog e-koda za subvenciju turističko-hotelskog smještaja iznosi 200,00 KM i bit će dostupno ukupno 2.000 e-kodova.

Jedan smještajni objekat može realizovati najviše **300 e-kodova**.

E-kodovi će se koristiti u periodu od **01.07. do 30.12.2021. godine**.

VI.2. Nakon što Turistička zajednica Kantona Sarajevo dobije listu od 2.000 državljana Republike Srbije od Vlade Kantona Sarajevo, uputit će e-mail sa e-kodovima i link sa Listom odabranih smještajnih objekata na dobivene e-mail adrese.

Osobe koje dobiju e-kod imaju rok od 30 dana da izvrše rezervaciju smještaja u jednom od smještajnih objekata sa Liste, putem online platforme koja će biti dostupna na web stranici www.visitsarajevo.ba.

Korisnik e-kod je obavezan da odabranom smještajnom objektu putem e-maila pošalje broj rezervacije i dobiveni e-kod.

Smještajni objekat Turističkoj zajednici Kantona Sarajevo šalje upit o e-kodu i korisniku e-koda sa zahtjevom za potvrdu validnosti.

Turistička zajednica KS će o zahtjevima odlučivati u redovnom radnom vremenu u periodu ponedjeljak-petak (08:00 do 16:30). Zahtjevi koji budu upućeni nakon isteka radnog vremena, dane vikenda ili druge neradne dane, razmatrat će se prvi naredni radni dan.

Nakon što smještajni objekat dobije potvrdu validnosti od strane Turističke zajednice Kantona Sarajevo, izvršit će potvrdu rezervacije e-mailom korisniku e-koda.

Turistička zajednica Kantona Sarajevo će mjesečno vršiti ažuriranje liste sa imenima državljana Republike Srbije. Neiskorištene kodovi bit će povučeni, a umjesto njih bit će obezbijeđeni novi pristupni e-kodovi.

VII OBAVEZA SMJEŠTAJNOG OBJEKTA

Smještajni objekat je dužan da usluge smještaja pruži korisniku e-koda lično u smještajnom objektu uz obavezu korisnika da pokaže izdatu potvrdu o rezervaciji i e-kod.

Smještajni objekat je dužan prilikom prijave potencijalnog korisnika, obavezno utvrditi identitet korisnika e-koda sa liste uvidom u ličnu kartu ili pasoš.

E-kod može koristiti samo lice na koje glasi rezervacija i sa istim se može plaćati samo usluga smještaja koja uključuje noćenje s doručkom.

Smještajni objekat izdaje korisniku e-koda fiskalni račun za pružene usluge. Fiskalni račun mora da sadrži sve elemente propisane Zakonom o fiskalnim sistemima, kao i iznos boravišne takse, njegovog oslobađanja od plaćanja ili umanjenja u skladu sa Zakonom o turizmu KS.

Vrijednost turističko-ugostiteljske usluge ne može biti manja od 200,00 KM, kolika je vrijednost jednog e-koda.

Smještajni objekat je dužan da dostavi svu traženu finansijsku i drugu dokumentaciju u vezi sa realizacijom programa „Odmori u Sarajevu“ Turističkoj zajednici Kantona Sarajevo.

Smještajni objekat je dužan da o svim eventualnim problemima u vezi sa pružanjem usluge koja je predmet subvencije obavijesti Turističku zajednicu Kantona Sarajevo najkasnije 3 dana od nastanka problema ili saznanja o istom.

VIII OBAVEZA TURISTIČKE ZAJEDNICE KANTONA SARAJEVO

Turistička zajednica Kantona Sarajevo vodi jedinstvenu bazu podataka svih emitovanih e-kodova sa serijskim brojevima, kao i bazu rezervacija smještaja putem web stranice www.visitsarajevo.ba.

Turistička zajednica Kantona Sarajevo vodi urednu evidenciju o realizovanim uslugama u okviru programa „Odmori u Sarajevu“ koja je predmet subvencije, finansijskoj dokumentaciji i ostalim aktivnostima vezanim za uspješno provođenje Programa.

IX NAČIN REFUNDIRANJA SREDSTVA

Smještajni objekat je obavezan u roku od 7 (sedam) dana od dana realizovanja usluge smještaja, dostaviti Turističkoj zajednici Kantona Sarajevo zahtjev za refundiranje sredstava po osnovu iskorištenih e-kodova.

Uz zahtjev za refundiranje sredstava obavezno se dostavlja:

1. Podaci o korisniku e-koda iz kojih nedvojbeno proizilazi da je državljanin Republike Srbije, i to: ime i prezime, datum rođenja, broj dokumenta izdat od strane Republike Srbije, datum prijave – odjave korisnika e-koda
2. Duplikat fiskalnog račun za pružene hotelske usluge korisniku e-koda. Fiskalni račun mora da sadrži sve elemente propisane Zakonom o fiskalnim sistemima kao i iznos boravišne takse, njegovog oslobađanja od plaćanja ili umanjenja u skladu sa Zakonom o turizmu KS
3. Dokaz o uplaćenju boravišnoj taksi za period trajanja Programa u skladu sa Zakonom o turizmu KS, koju snosi korisnik e-koda
4. Ovjerena i potpisana specifikacija koja sadrži usluge koje se refundiraju.

Posebna napomena: Da bi se prihvatio dostavljeni podatak o korisniku e-koda iz tačke 1., isti mora biti evidentiran kroz elektronsku aplikaciju www.ks.prijava.ba koju koristi Turistička zajednica Kantona Sarajevo.

Komisija koju imenuje Turistička zajednica Kantona Sarajevo će tromjesečno razmatrati zaprimljene zahtjeve za refundaciju sredstava, i to za period 01.07.-30.09.2021. godine i 01.10.-30.12.2021. godine, te u slučaju ispunjenosti uslova vršiti refundaciju.

X PRIJAVA NA JAVNI POZIV

„Obrazac na prijavu za javni poziv“ sa priložima – dokumentacijom traženom tačkom IV Javnog poziva (original ili ovjerenu kopiju), subjekti dostavljaju isključivo putem pošte na adresu:

**Turistička zajednica Kantona Sarajevo, ul. Dalmatinska broj: 2/4, 71 000 Sarajevo,
sa naznakom**

NE OTVARATI - PRIJAVA NA JAVNI POZIV ZA SUBVENCIONIRANJE TURISTIČKIH E-KODOVA “ODMORI U SARAJEVU“

Zbog mjera zaštite zdravlja ljudi izazvanih pandemijom korona virusa (COVID – 19), prijave na Javni poziv ne mogu se dostavljati direktno na protokol Turističke zajednice Kantona Sarajevo.

Rok za dostavljanje prijave je 10 (deset) dana od dana objave Javnog poziva na web stranici Turističke zajednice Kantona Sarajevo (www.visitsarajevo.ba).

Neblagovremene, nepotpune i neuredne prijave neće se uzeti u razmatranje.

OBRAZAC ZA PRIJAVU NA JAVNI POZIV				
Naziv smještajnog objekta				
Kategorija smještajnog objekta				
Adresa				
ID broj				
PDV broj				
Naziv banke i broj transakcijskog računa				
Ime odgovorne osobe				
Šifra osnovne djelatnosti po KD BiH 2010				
Kontakt telefon i e-mail				
Profili na društvenim mrežama				
Usluga	Jedinica mjere	Količina	Jedinična cijena sa uključenim PDV-om	Ukupno
SOBA ½ (noćenje sa doručkom)				
Dodatne pogodnosti				
Ukupna vrijednost ponude				
Pod punom moralnom, materijalnom i krivičnom odgovornošću izjavljujem				
Izjava 1.	Da se u smještajnom objektu poštuju mjere, protokoli i preporuke izdate u vezi sa COVID-19 i kao takav garantuje #SafeTravel uslugu			
Izjava 2.	Da razumijem i prihvatam uslove i sadržaj Javnog poziva			

Datum: _____

Podnosioc prijave
(odgovorno lice)
(svojeručni potpis i pečat)

Uz ovu prijavu prilažem dokumentaciju kako slijedi:

1. Obavijest o razvrstavanju poslovnog subjekta po djelatnosti prema klasifikaciji – izdat od strane Federalnog zavoda za statistiku
2. Dokaz o uplaćenju boravišnoj taksi za 2020. godinu (izvod ili analitička kartica)
3. Obrazac KOČ za 2019. i 2020. godinu i dokaz o uplaćenju članarini za 2020. godinu (izvod ili analitička kartica)
4. Uvjerenje od nadležne Porezne prave FBiH o izmirenim obavezama po osnovu poreza i doprinosa zaključno sa 31.03.2021. godine
5. Uvjerenje od UIO o izmirenim obavezama po osnovu PDV-a zaključno sa 31.03.2021. godine (ukoliko se ne može dobiti uvjerenje u zadanom roku, poslovni subjekat može dostaviti izjavu o izmirivanju obaveza ovjerenu od strane nadležnog organa uz dokaz da je blagovremeno podnijet zahtjev za izdavanje uvjerenje od UIO. Poslovni subjekat je dužan da do kraja žalbenog roka dana dostaviti original uvjerenje o izmirenju obaveza po osnovu PDV-a.)
6. Uvjerenje o poreznoj registraciji poslovnog subjekta (ID broj) izdat od strane Porezne uprave KS

Napomena: Obrazac za prijavu popuniti isključivo elektronski, te isprintan obrazac potpisati i ovjeriti od strane odgovornog lica.

Predsjedavajući Povjerenstva
Turističke zajednice Kantona Sarajevo

Prof. Kenan Magoda



